

SHWBIZ KLIP

BON DIA



Mi kier p'abo ta felis...asina'ki Biggy Boy "Jonathan Thiel" ta canta'bo

Tabata un par di dia pasa cu nos a sinta combersa apmliamente cu e hoben talentoso Jonathan Thiel alias "Biggy Boy", cu a musta nos cu e ta sumamente contento con Aruba a reacciona cu su tema "Mi kier p'abo ta Felis". Un tema cu nos ta concider'e un 'self made hit' cu a kibra tur tipo di barera pa loke ta un produccion cu ta bin di un hoben, esun cu por a yega asina serca tabata Edjean Semeleer si nos memoria no ta fayanos, pero esaki tabata p'e temporada di fin di aña.

Den loke ta temanan local cu a haya un asceptacion asina grandi e tau ni su mes ne lista di 10 di tur tempo, e tema aki "Biggy Boy" mes a scirbi'e, compone y grab'e.

Masha poco biaha bo ta haya e combinacion aki di ta multitalentoso den e campo aki, su agilidad, creatividad a hib'e ensambla un produccion completo cu lo mester Sali aki un par di siman.

Semper c'un bon fuente di inspiracion, "Biggy Boy" mes ta bisa cu esaki ta su hit mas grandi, cu tur stacion di radio local ta toka esaki ta algo cu hamas por a pasa den su mente nunca.

"Cu e lo sona si, pero NO di e forma con esaki ta sonando actualmente, ta di aprecia esaki di tur DJ/locutor cu ta inclui esaki den nan lista di temanan cu nan ta toca diariamente", tabata palabra di "Biggy Boy".

"mi tin masha hopi cancion traha, aworaki mi a caba di selecciona esunan cu ta bai riba mi prome produccion"... asina aki "Biggy Boy" a señalana nos durante cu nos tabata combersa cune.

Nos a puntra'e con a bai den Sparkling Tour, e la duna nos di conoce cu esaki tabata un experiencia mes cu e ta pone tras di su number y asina cu esaki a yega na su final di biaha e la lansa e tema aki riba radio djies p'e por keda sona. Pero manera ya caba nos a redacta, hamas e no por a spera e reaccion aki pero e ta contento cu esey, aunke cu e tema "Mi ta desea p'abo ta felis" no ta e bom mes.

Den siman tambe nos a combersa cu su maestro/guia Janiro Eidsen cu ta señala cu e ta masha contento pa "Biggy Boy" cu ta sonando tur caminda y cu tambe a manda esaki Corsow pa wak kico t'e reaccion y por bisa cu e reaccion tambe ta uno positivo n'e isla bisiña.

Niro a señala cu "Biggy Boy" ta un hoben super talentoso y cu e lo tin cu sigui desaroya esaki, Jonathan a bisa na nos cu e ta finalizando su skol p'e por bai Hulanda sigui specialisa su mes den musica, produccion, sonido, areglo y siña tambe di e industria musical.

Jonathan tin bon cla cu e lo bai Hulanda otro aña y cu despues di carnaval e lo lansa su di dos produccion completo.

E combinacion "Biggy Boy" y Niro ta uno perfecto, pasobra bo ta sinti esaki den e jinglenan cu ta wordo grana....."Biggy Boy" ta percura p'e musica, mescla y areglo di esaki y Niro tin e parti di pone letra plus su sause den dje.

E tema cu ta pega rond di Aruba di e forma cu menos e la spera su version remix a 'liek' di e forma cu menso ae la spera, e la pone esaki riba su myspace yesaki den



untempo record a wordo baha y parti cu a yega tur stacion di radio den un tempo record. E version remix tin e aparicion special di Luigi Cortez cu ta haci un trmendo trabao den

dje, dunando e tema un color diferente na esun original y cada un di nan ta un tema riba nan mes.

Mi kier p'abo ta felis ta simplemente e prome y tin mas

pa bin seguin "Biggy Boy" cu a gradici papa Dios p'e don cu e la nace cune, su mayornan, su rumannan, su famia completo y no por laga'fo su maestro y guia Janiro Eidsen (Basic One).